

09 Oct. 2025

માર્નિંગ ડોગરી ન્યૂઝ બુલેટિન,

समा. 09.20 Hrs

<> <> <> <> <> <> <> <> <> <> <>

Headlines

- गृहमंत्री अमित शाह होर अज्ज जम्मू-कश्मीर बारे उच्च स्तह दी सुरक्षा जायजा बैठक लागन।
- उपमुख्यमंत्री सुरेन्द्र चौधरी होरें आखेया जे प्रोत्साहन स्कीमें दा लाह हर इक लाभार्थी तगर पुजना लोइचदा।
- ग्रामीण विकास ते पंचैती राज मंत्री जावेद अहमद डार होरें श्रीनगर च “सरस” मेले दा उदघाटन कीता। मुख्य भरै थां महिला आप-सहायता समूह अपनी कला ते उत्पादें दा इस दौरान प्रदर्शन करगन।
- सूचना प्रौद्योगिकी मंत्री सतीश शर्मा होरें India Mobile Congress -2025 च हिस्सा लैता ते आखेया सरकार आस्सेया जारी पैहलकदमियां जम्मू-कश्मीर गी समावेशी इक-दुए कन्नै जुड़े दा ते सुरक्षित बी बना रदियां न।

<><><><><><>

HM –JK Security

केन्द्रीय गृहमंत्री अमित शाह होर अज्ज नमीं दिल्ली च इक उच्ची सतह दी बैठक दी अध्यक्षता करने जा रहे न जेहदे च जम्मू-कश्मीर दे मजदा हालात दी समीक्षा कीती जाहग।

बैठक दा मकसद बकख-बकख सुरक्षा एजेंसियें बश्कार तालमेल बधाना ते केन्द्र शासत प्रदेश च जारी आतंकवादरोधी कारवाइयें दी समीक्षा करना ऐ। बैठका च जम्मू-कश्मीर दे उपराज्यपाल मनोज सिन्हा हुंदे इलावा गृह मंत्रालय, खूफिया ब्यूरो, फौज, CRPF, BSF ते जम्मू-कश्मीर पुलिस दे बड्डे अधिकारियें दे बी इस च हिस्सा लैने दी मेद ऐ।

जम्मू-कश्मीर थमां मुख सचिव ते होर केई उच्च अधिकारी कल शामी गै राजधानी दिल्ली पुज्जी गेदे न।
अमित शाह होर मेद ऐ जे जम्मू-कश्मीर च रमानदारी ते स्थिरता बनाई रखने लेई बक्ख-बक्ख एजेंसियें
बशकार तालमेल ते सहयोग गी निगगर बनाने पर जोर देगंन।

<><><><><><>

Dy. CM -I&C Review

उपमुखमंत्री सुरिन्दर चौधरी होरें कल उद्योग दे बपार मैहकमा कश्मीर दे कम्मे-कारकरदियें ते उपलब्धियें दा
जायजा लैने लेई सददी गेदी इक बैठक दी अध्यक्षता करदे होई आखेया ऐ जे सरकार आसेया शुरु कीती गेदियें
स्कीमें दा लाह पुजाने लेई हर मामले गी संजीदगी ते पूरी शिद्दत कन्नै लेंदे होई एहदे पर कारवाई कीती जा
तां जे हर लाभार्थी गी इनें स्कीमें दा पूरा-पूरा लाह विजन चिर लग्गे तौले ते समें-सिर पुज्जना यकीनी बनी
सकै। उपमुखमंत्री होरें उद्योग ते बपार मैहकमे दे उद्योगिक ते ढांचागत परियोजनाएं दी रफ्तार, प्रगति ते
स्थिति दा बी तफसीली जायजा लैता ते आखेया जे इंदी अमलावरी पूरी चाली पारदर्शी ते असरदार ढंगे सिर
तोड़ चढ़नी लोड़चदी। ओ सरबंधित अफसरें ते प्राधिकरणें गी आखेया जे ओ इनें परियोजनाएं गी मित्थे गेदे
समें दे अंदर-अंदर तोड़ चाढ़ना यकीनी बनाने दे कन्नो-कन्नी, निवेशकें लेई साजगार माहौल तयार करने, स्टार्ट-
अप उद्यमियें गी समर्थन देने ते बेहतर बपारिक ते उद्योगिक विकास लेई असरदार नीतियां तयार करने पर बी
चेचे तौरा पर ध्यान देन।

<><><><><><>

Dar SARAS Mela

ग्रामीण विकास ते पंचैती राजमंत्री जावेद अहमद डार होरें कल श्रीनगर दे शेर-कश्मीर पार्क च “सरस” मेले दा
उदघाटन कीता जेहदे च मुख्य भरै थमां ग्रामीण महिलां आप-सहायता समूहें आसेया तयार कीते गेदे दस्तकारी
दे शानदार नमूने रखे गेदे न।

इस मौके बोलदे होई डार होरें आखेया जे “सरस” मेला ग्रामीण महिला उद्यमियें गी अपनी क्षमता ते हुनर दा राष्ट्रीय स्तरें पर प्रदर्शन करने दा मौका उपलब्ध करा रदे न, जेहदे नै उन्दे उत्पादें दी दूर-दूरें तगर ते मते लोकें तगर पुज्ज यकीनी बनी सकै। उदघाटन दे बाद मीडिया कन्ने गल्ल करदे होई डार होरें आखेया.....

जम्मू-कश्मीर ग्रामीण आजीविका मिशन आसेया आयोजित इस मेले च 13 बक्ख-बक्ख राज्यें थमां 200 कोला मती महिलां आप-सहायता समूह हिस्सा लै करदे न। एहदे इलावा इस मेले च जम्मू-कश्मीर दे सब्भनैं जिले थमां बी महिला आप-सहायता समूहें दे स्टॉल लाए गेदे न। इस बारे जानकारी सांझी करदे होई जम्मू-कश्मीर ग्रामीण आजीविका मिशन दियां मिशन डरैक्टर डाक्टर शुभा शर्मा होरें आखेया

<><><><><><>

Dir Tourism –Paragliding

सैलसफा जम्मू दे निदेशक डाक्टर विकास गुप्ता होरें कल जम्मू कश एथम थाहर पैराग्लाइडिंग पायलटें दे 6एं दिने दे इक सिखलाई कोर्स दा उदघाटन कीता। एह सिखलाई कार्यक्रम अटल बिहारी वाजपेई इंस्टीच्यूट ऑफ माउटेनरिंग मनाली हिमाचल प्रदेश दे दंऊ माहिरें दी दिक्ख-रिक्ख तैहत आयोजित कीता जा रदा ऐ। इस सिखलाई कार्यक्रम दा मकसद मकामी नोजवानें गी पैराग्लाइडिंग करोआने लेई तयार करना ऐ तां जे अगगे चलियें ओ बगैर इक पैराग्लाइडिंग पायलेट कम्म करी सकन। फिलहाल एह कैम्प 17 अक्टूबर 2025 थमां हिमाचल प्रदेश दी बीर बिल्डिंग थाहर लग्गने आहले पी-4 ट्रेनिंग प्रोग्राम च शामिल होने कोला पैहले दी तयारी कराने लेई लोआया गेदा ऐ। इस मौके सैलसफा निदेशक होरें आखेया जे मैहकमा जम्मू प्रांतै गी साहसिक सैलसफा लेई तयार करने गितै अनथक जतन करै करदे न।

<><><><><><>

Sakeena Requirements

सेहत ते मैडिकल शिक्षा मंत्री स्कीना इतू होरें कल सेहत ते मैडिकल शिक्षा, समाज कल्याण ते शिक्षा विभागें च चलै करदी भर्ती प्रक्रिया दा जायजा लैता ते आखेया जे इस कम्मै गी जमीनी सतह पर सेवाएं गी बेहतर ढंगे सिर पुजाना यकीनी बनाने लेई एहदी रफतार च तेजी आंदी जा। जम्मू-कश्मीर सेवा ताल बोर्ड दे सीनियर अफसरें कन्नै इक जायजा बैठक दी अध्यक्षता करदे होई स्कीना इतू होरें प्रमुख सार्वजनिक सेवा क्षेत्रें दे सशक्तिकरण दी जरूरतें पर जोर पाया- टकोहदा करियै सेहत क्षेत्र च, जेहदा समाज च इक बड्डा गै महत्वपूर्ण रोल ऐ। उनें खाली पेदियें असामियें गी पुर करने च चिर लग्गने पर चिंता प्रगट करदे होई निर्देश जारी कीता जे भर्ती प्रक्रिया गी समें-सिर पूरा करने च औने आहलियें दिक्कतें-रुकावटें गी जिन्ना तौले होई सकै दूर कीता जा।

<><><><><><>

Satish -IMC

सूचना ते टेक्नोलोजी मंत्री सतीश शर्मा होरें आखेया ऐ जे जम्मू-कश्मीर च इक नमैं डिजिटल दौर दी शुरुआत होआ करदी ऐ जित्थे टेक्नालोजी हर इक नागरिक गी सशक्त बना करदी ऐ, शासनिक कम्मैं च बड्डा बदलाव आहन्ना करदी ऐ ते डिजिटल भविष्य गी सुरक्षित करै करदी ऐ। मंत्री होर केन्द्री सूचना प्रोद्योगिकी मंत्री ज्योतिरादित्य सिंधिया हुंदे आसेया उदघाटन कीती गेदी सब्भनैं राज्यें दे सूचना प्रोद्योगिकी मंत्रियें दी गोलमेज कांफ्रेंस ते इंडिया मोबाईल कांफ्रेंस दौरान बोला रदे हे। सतीश शर्मा होरें आखेया जे सरकार दियां जारी पैहलकदमियां छड़ियां दूरसंचार ढाचें च गै विस्तार ते बाददा नेही करारदियां सगुआं जम्मू-कश्मीर गी समावेशी, इक-दुए कन्नै जुड़े दा ते सुरक्षत बी बना करदियां न। संशोधन कीते गेदे भारत -नेट प्रोजेक्ट तैहत कीते गेदे बदलाव गी उजागर करदे होई मंत्री होरें दस्सेया जे जम्मू-कश्मीर दे 2 जहार 574 ग्रामें ते 4 जहार ग्रामें पंचैतें गी जोड़ने लेई मती रफतार आहलियां ऑप्टिकल केबल बछाई जा रदी ऐ।

<><><><><><>

पुंछ दे जिला मैजिस्ट्रेट अशोक कुमार शर्मा होरें जिला स्तह दी स्थाई कमेटी दी इक महत्वै आहली बैठक लाई ते बन्ने दे बेहतर प्रबंधन दा जायजा लैता। इस दौरान मौजूदा सुरक्षा इंतजामें ते कब्जा रेखा कन्ने लग्गदे इलाकें च ढांचागत विकास गी बढ़ावा देने पर चर्चा होई। इस दौरान सुरक्षाबलें ते नागरिकें बशकार बेहतर तालमेल पर बी जोर पाया गया। जिला मैजिस्ट्रेट होरें बन्ने आहले इलाकें च बंकर, बिजली सप्लाई, पानी दी सप्लाई, बुनियादी सहूलतें दा बी जायजा लैता। मगरा मीडिया कर्मियें कन्ने गल्ल करदे होई उनें आखेया.....

<><><><><><>

JMC Comm (Byte)

जम्मू नगर-निगम दे आयुक्त डाक्टर देवांश यादव होरें गौरखा नगर शमशान घाट दे कम्मै दा जायजा लैता। इस थाहर गी तवि च आए दे हाइ करी नुक्सान पुज्जा हा। JMC आस्सेया फौरी तौर पर मशीनें गी लाइयें मलबे गी हटाया गया ते इसी ब्हाल करने लेई कम्म शुरु कीता गया। डाक्टर यादव होरें हिदायत कीती, जिस ढांचे गी नुक्सान पुज्जा ऐ उसी फौरी तौर पर ठीक कीता जा ते शमशान घाट च Tin Sheds बी कायम कीते जान। मीडिया कर्मियें कन्ने गल्ल करदे होई उनें आखेया.....

<><><><><><>